

Broj:04/2-33-5-4993-1/20  
Sarajevo, 10.04.2020. godine

**KANTON SARAJEVO**  
**SKUPŠTINA KANTONA SARAJEVO**  
n/r dr. Mirza Čelik, Predsjedavajući

Veza: Vaš akt broj 01-04-7569-10/20 od 12.03.2020. godine

Predmet: Odgovor na zastupničko pitanje zastupnice Segmedine Bajramović Srna

1121

Primili smo Vaš akt kojim ste nam prosljedili pitanje postavljeno na 22. Radnoj sjednici Skupštine Kantona Sarajevo održanoj 11.03.2020. godine u okviru tačke dnevnog reda "Poslanička/zastupnička pitanja, inicijative i odgovori", kojim je zastupnica Segmedina Bajramović Srna tražila podatke o broju izvršenih kontrola u 2018. do danas na osnovu člana 21 Ugovora o pružanju zdravstvene zaštite osiguranim licima Kantona Sarajevo potpisanim sa Kliničkim centrom Univerziteta u Sarajevu i Općom bolnicom "Prim.dr Abdulah Nakaš", kao i informacije o utvrđenom stanju, te kopije akata tih kontrola.

S tim u vezi dostavljamo slijedeće:

Ugovorima o pružanju zdravstvene zaštite koji su potpisani sa Kliničkim centrom Univerziteta u Sarajevu i JU Opća bolnica "Prim.dr. Abdulah Nakaš" definisano je da se kontrola od strane Zavoda može provoditi pregledom medicinske i finansijske dokumentacije dostavljene Zavodu, pregledom medicinske dokumentacije elektronskim putem od strane ovlaštenih kontrolora kao i neposrednom kontrolom i uvidom ovlaštenih lica Zavoda u rad i dokumentaciju zdravstvene ustanove.

Shodno navedenom, u Zavodu zdravstvenog osiguranja Kantona Sarajevo od strane ljekara kontrolora, u okviru redovnih aktivnosti, vrše se kontrole medicinske dokumentacije koju su izdali ljekari navedenih bolničkih ustanova, a na osnovu koje osigurana lica ostvaruju prava na korištenje medicinskih sredstava, pravo na liječenje van kantona, lijekove koji nisu dio Liste i sl. Takođe predmet redovnih kontrola je i medicinska dokumentacija po osnovu kojih se osiguranim licima odobrava korištenje usluga medicinske rehabilitacije. Predmet kontrole je i propisivanje lijekova od strane ovlaštenih ljekara Kliničkog centra Univerziteta u Sarajevu u okviru posebnih programa za specifična oboljenja. Takođe, Klinički centar Univerziteta u Sarajevu i Opća bolnica "Prim dr Abdulah Nakaš", dostavljaju Zavodu na propisanim obrascima kvartalne izvještaje o poslovanju po osnovu kojih se vrši usaglašavanje sa podacima Zavoda.

Osim navedenih redovnih kontrola medicinske dokumentacije dostavljene u Zavod, kontrolori Zavoda nisu imali neposrednih kontrola u bolničkim zdravstvenim ustanovama.

S poštovanjem,

DIREKTOR  
Sakib Katana, dipl.oec.

- Dostaviti:
1. Naslovu
  2. Služba za plan i ugovaranje
  3. a/a